



COLEGIO ARUBANO

R.K SCHOOL VOOR CICLO BASICO,
CICLO AVANSA, V.W.O EN H.A.V.O.
VONDELLAAN 14
TEL. 5822005 / 5822684 / 5831373 / 5828930
FAX: 5832676, ARUBA
E-mail: info@colegioarubano.aw

Na tur alumno di Colegio Arubano y nan
mayor(nan) y cuidado(nan)

Oranjestad, 9 di februari 2023

COLAUA: 2021/2022–143

Topico: Fecha y eventonan importante den luna di februari

Apreciabel mayor(nan)/cuidado(nan), alumnonan,

Temporada di carnaval ta den pleno marcha. Nos a ripara esaki na scol tambe. Riba plenchi di scol tin na e banda di Vondellaan tur sorto di instalacion. Otro siman nos tin un Jump-up. Den e carta aki ta haya mas informacion tocante esaki.

Jump-up

Anteriormente den un carta nos a anuncia cu nos lo organisa un Jump-up. Mientras tanto tur preparacion ta canando y e permiso ta regla. E Jump-up ta tuma luga otro siman diabierna, 17 di februari. Riba e dia ey e prome tres oranan di les lo sigui segun rooster. Despues e participantenan na e Jump-up por prepara nan mes. Pa 10.30 e parada lo sali di Entertainment Center. Otro siman lo bin e rooster di e lokaalnan unda e participantenan por laga nan tas. Nos scol lo participa den e parada hunto cu Educampus y Mon Plaisir mavo y havo. E banda cu lo acompaña nos ta 'NFuzion. Tur e alumnonan, cu ta participa, ta bisti un t-shirt blanco cu un imprenta cu ta diseña pa un alumno. E personal di scol lo bisti un T-shirt blauw cu mesun imprenta.

Maria College y La Salle College lo sigui nos den e parada, pero no ta intencion cu e participantenan di cada scol bay mescla cu otro. Ademá di e miembronan di seguridad cu lo supervisa, un cantidad di 60 miembro di personal bisti cu e T-shirt blauw lo yuda controla. E parada ta caba na Plaza Betico. Eynan e alumnonan ta agrupa pa mira e resto di Jump-up of nan por cana bay bek scol via Zepp Lampestraat y Shakespearstraat. E alumnonan por cana bay scol via Vondellaan te ora cu tur grupo caba di pasa. Lo percura pa un alternativa pa e alumnonan cu no ta participa na e parada. Por busca nan 12.30 na e banda di Emma.

Necesidad di ayudo durante Jump-up

Durante Jump-up e alumnonan ta haya un snack y awa. Ainda nos ta buscando ayudo pa transporta e boternan di awa. Nos tin 2000 boter di awa na un compania cu mester ta reparti durante e ruta. Si bo tin un auto grandi y por yuda riba e dia ey, nos lo aprecia esaki masha. Por tuma contacto cu juffrouw Nava (tn.ak@colegioarubano.aw) of juffrouw Chiquito (jc.ne@colegioarubano.aw).

Dianan liber den februari

Dialuna venidero, 13 di februari ta un dia di ATV pa e docentenan. Dialuna, 20 di februari ta dialuna di carnaval. E alumnonan ta liber riba tur dos dialuna.

Rooster di dialuna riba diamars, 21 di februari

Pa motibo cu den e periodo aki tin hopi dialuna ta cay afo, lo draai riba diamars, 21 di februari e lesnan segun rooster di dialuna. Esaki ta para tambe riba e kalender anual cu a duna na comienso di aña escolar. Den Magister, tecnicamente no ta posibel pa importa e rooster di dialuna pa diamars, 21 di februari. Pa e motibo aki lo pone e tareanan di diamars riba dialuna.

Nos ta consciente cu e luna di februari por bira poco desordena door di tur e actividad y cambionan. P'esey ta importante pa tene cuenta cu tur e fechanan. Aki tres siman e periodo di CP/SE lo cuminsa. Nos ta desea tur alumno hopi exito cu e preparacionnan.

Cu coridal saludo,
Den nomber di rectorado,



T.R. Croes M Ed
Rector